



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五七七

躬恥齋文鈔二十卷後編六卷躬恥齋詩鈔十四卷首一卷後編

七卷（躬恥齋詩鈔十四卷首一卷後編七卷） 宗稷辰 撰

一

松風閣詩鈔二十六卷歸樸龕叢稿十二卷續編四卷 彭蘊章 撰

三五五

知足知不足齋詩存一卷 寶琳 撰

七三七

序

宗子迪甫於丙辰丁巳間刻其躬恥齋文集於京師與梅伯言柏槻山房集並時傳播伯言之文婉雅出於歐陽人多者之吾獨謂迪甫之文詞意肅潔堅毅有據傳誌敘事諸作可以信後者伯言有不逮也今迪甫又將刻其詩而欲余爲之敘余遲遲未應君固索之又屬余芟香代索之今以巡河之役暫至濟南復面爲諄督且曰詩原不待敘敘亦何必子貞念吾自少時隨侍楚南先君逝後奉母於永州居最久沅湘間魁儒碩士靡不諧際四十餘年來舊時所嘗捧手受教及題襟譚薏君論謝殆盡其虛存者又睽隔不得晤語眼中吾子其何吝一言余於是起而應曰君之言感我哉雖然吾何敢吝也蓋生平不喜爲人作詩文敘以迹涉標榜且得失工拙當俟讀者自領之若墮引者先爲指陳本末卽使所言皆當於作者意志章襍盡矣尙躬恥齋詩鈔

卷首 何序

一 扶杜軒琴

何寸心千古之有今君詩墨諸版者過半余尙未盡見也其不待章襍也明矣自吾兩人以文行相砥厲三十餘年矣攻苦綴述偶一相示則欣賞與鍼砭俱有之未嘗爲貢諛之論君既刻詩請一論詩可乎孔子曰溫柔敦厚詩教也又曰不學詩無以言蓋善讀詩者可化氣質之偏而返性情之正善作者當亦然迪甫之爲人言動皆有繩尺余則疎野無檢攝述若不相近者至於爲學務剗削浮華期自得本心之實又道人之善惟恐不及兩人蓋同之惟激而不隨澹而少嗜自謂與人無迂而入或遠之以爲落落難合得無氣質之偏有相同而皆不能自化歟何以化之溫柔之以詩敦厚之以詩可矣余年逾六十迪甫又長於余七年求如壯盛時志意銳發不可復得且時事方殷故文零落芝焚蕙歎懷抱之惡正復相似然猶終年把書惜此炳燭研覃道味心心印之雖老矣學尙富有進也獨詩也乎哉獨

文也乎哉其勉之而已矣

咸豐九年孟秋月世愚弟道州何紹基敘於灤源書院

躬恥齋詩鈔

卷首

何序

二

扶杜軒琴

嘉慶年間少作序全詩惟一序統之於首此二序不

忍棄特錄少作之前以志實云

古以詩名家者衆矣千門萬戶吾安適從即就其性之所近專
奉一家爲楷模倘得其貌而未得其神究屬生吞義山活剗李
賀旨哉謝茂秦之言曰詩如沿門托鉢家家都到始謂之到家
則宜縱觀博覽兼收衆長庶不至拘守門戶甘爲他人作廝役
也會稽宗子潞甫才由天受學本家承童年即以詩古文詞愛
知於督學劉經門侍郎甫弱冠隨其尊人稼秋明府遊宦湖湘
間凡夫山川風土世故人情一切可喜可愕可悲可感之事皆
發之於詩戊寅歲余遊芝城時潞甫在憂服中僑寓泉陵恒相
聚首比年始得讀其舊所作詩見其天籟自鳴惟盡其意之所
欲言不拘拘規矩前賢而漢魏六朝以及唐宋元明所稱大家
者其風格神韻往往破藩籬而闢其室夫酒出於粟而粟非酒
蜜出於花而花非蜜蓋釀之乃成不釀之則不成潞甫蘊歷代

躬恥齋詩鈔

卷之首

少作序

一

林杜軒槩

之苦英爲一心之機杼掉臂游行一空依傍眇山人之論不信
而有微歟余將歸宜章潞甫束余曰攻恥齋詩藁不可無足下
一序嘻如余之才之學不及潞甫遠甚何敢序潞甫詩願而人
神交有素今得遂願見之私既愛而忘醜安得以不文爲潞甫
吝雖然余因之不能無慨也昔劉希夷王少伯傲睨當時皆有
不可一世之概卒見忌於宋間輩以潞甫之抱負當不僅以詩
名然即詩人溫柔敦厚之旨推類以盡其餘立德立功至於立
言不特門戶之見不存而見元氣渾淪有如陽春之煦萬物將
來論道巖廊廣歌清廟俱可不愧大家風於諸古人何多讓焉
嘉慶己卯仲冬宜章李延芳鞠甫序於湘口館

少作自序

蒙家世以詩名憶余四歲時始就塾趨庭讀詩即粗知平仄之
辨然至十五六猶未工詩因惜知韻之由於家風而作詩必關

躬恥齋詩鈔

學力也自隨侍入楚漸學詩頗獨癖寐歌所作有限比年於章
臺之畔得張子松山於峇社之上得楊子海樵之二子者皆以
詩豪於時而余微逐其間勉習唱酬淵於二子二子愛之而不
以爲謬作乃積多蓋爲其所容而勵我者亦不少也昔家大人
恐余因好詩荒舉子業切戒勿爲謹志之故不敢逞意自放以
蒙視二子之作奚翅十一惟自懼其流於詩而不知返而戚戚
然覺其已多矣望溪方先生有言曰詩小道也古人弗重然則
士夫所重有至乎詩之中者而詩可名詩亦可不名也蒙之於
詩不克審格律求工鍊意之所欲言抒之於筆意盡則止誠不
敢令真詩人見亦不可令僞詩人見也愛我者幸目爲攻恥氏
之常談而不以爲詩則庶幾少負慚疚云爾嘉慶二十二年秋
日

躬恥齋詩鈔

卷之首

少作序

二

林杜軒槩

躬恥齋詩鈔目錄

卷首

目錄

小像自讚

何序

評語

題辭

校訂姓氏

卷之一上

少作李序附自序

學詩初草 庚申至己巳秋

從宦草 己巳至庚午辛未

過庭草 壬申至甲戌乙亥

躬恥齋詩鈔

卷首 目錄

卷之一下

種愛草 乙亥秋至丙子春

學翦草 丙子夏秋

戴翼草 丙子冬至丁丑

卷之二上

蘇復草 己卯

卷之二下

芥香草 庚辰至辛巳春

卷之三上

禮旋草 辛巳夏秋冬

北轡草 壬午春夏

希謫草 壬午秋

卷之三下

載曉草 癸未春

榆巢草 癸未

歸湘草 甲申春

卷之四上

溪鳴草 甲申

卷之四下

登懷草 甲申至乙酉

卷之五上

望湘草 丙戌

醉雲草 丁亥至戊子

卷之五下

戴堂草 己丑至庚寅

卷之六上

躬恥齋詩鈔

卷首 目錄

湘中近親草 庚寅

卷之六下

湘中近親草 庚寅至辛卯

卷之七上

杆杆室草 辛卯至壬辰

卷之七下

杆杆室草 癸巳至甲午

卷之八上

松飄草 乙未至丙申

卷之八下

澄想草 丙申至丁酉

蒼英草 丁酉

卷之九上

蒼莢草 戊戌至己亥

卷之九下

七峯草 庚子辛丑至壬寅

卷之十上

七峯草 癸卯至甲辰

卷之十下

七峯草 乙巳至丙午

卷之十一上

鹹生草 己酉至庚戌

卷之十一下

銀灣草 辛亥

卷之十二上

山中草 壬子至癸丑

躬恥齋詩鈔

卷首 目錄

三

扶杜軒琴

卷之十二下

山中草 甲寅

卷之十三上

三起草 甲寅至乙卯

卷之十三下

三起草 丙辰

卷之十四上

河樣草 丁巳

卷之十四下

河樣草 戊午至己未

卷之十五上

懷忠詩附 侯續刻

校訂詩鈔同人姓氏

曲阜孔憲彝敘仲

桂籍 趙人王 掛定甫

合肥徐子陵毅甫

錢塘邵堯辰味樸

羅田陳瑞琳九香

善化陳本欽堯農

漢陽葉名澧潤仲

江都符葆森南樵

諸暨余 坤小坡

武陵楊箕珍性農

湘鄉左 仁清石

陽湖張曜孫仲遠

躬恥齋詩鈔

卷首 姓氏

一

扶杜軒琴

開縣陳景亮弼夫

湯溪貢 璜荆山

涇縣張維翰墨林

新縣徐繼鏞惺齋

越人余 榮菱鄉

長白福 昌裕臣

新會盧朝安曉亭

蒙古來 秀子俊

嘉興金少清眉生

鄞縣屠繼烈嘯貧

武進李興清念仔

桐鄉陸憲曾銀淚

山陰蔣士黃春池

評語 昔許道光年間生

桐城李宗傳海帆

鍊格堅蒼運思精密其發論使事處皆能穩切停勻此有學識
經濟之詩非摹聲揣色者所可幾及也至於感懷時事間有微
辭而用筆渾涵聲情不露尤得風雅之遺屬爲指瑕略抒鄙見
仍希酌定是荷

歸安葉紹本筠潭

詞鋒犀利如太阿出匣不可逼視而持論極正力探元始胸有
古人海非苟爲炳煥者也吾浙固多詩人君才富橫絕一時曷
勝心折

長洲彭蘊章咏莪

近體追蹤大歷氣骨清蒼古體嗣響涪翁思筆幽峭要皆獨抒
心得一空依傍所謂學焉而得其性之所近非規規於侔色揣

躬取齊詩鈔

卷首

評語

人

扶社軒棠

稱者也然濬甫博極羣書根柢蟠深不願以詩才自見窺豹一
斑已令人欣慕不置

會稽潘誦亭

大集無字不奇奇闕中有實際欽服之至

青田端木國瑚子彝

讀雪詩詞旨洽協能暢天心可謂雅章恨鄙人不能近步

仁和邵銘辰蕙西

憂勞諸篇意真語至直逼杜公餘亦新警奇闕古體似吳淵穎

近體似范石湖讀此集知先生近日山居詩法大進敬服敬服

會稽杜煦尺莊

沈鬱之思雄直之氣峭拔之筆練達之才自然迥絕塵氛上追

騷雅詩如其文如其人

因始吳薛晉紅生

詩境如老鯨鼓浪怪虬攫風又如危鈴語月賓雁叫霜少陵五
老去漸於詩律細三十六天不至最上天不止也

合肥徐子陵毅甫

先生之爲人似元魯山其詩與文則又似次山未知後之覽者
以爲何如也

閩縣劉存仁炯甫

咸豐乙卯秋來京師始謁

濬甫先生仁心義質古調深情爲近今所罕觀自是朋酒過從
載閱寒暑狼蒙愛最備至心佩弗諼屢欲作詩奉贈客愁難還
不能成句今夏捧讀全稿手鈔十之四五入拙選敦舊集時先
生將分巡東河而亦出宰甘涼驢駒在門結軫不憚他日
天涯塞北道之云遠悠悠我思真惻然難爲懷矣鈔既畢雜記
月日於後以誌顛倒云

躬取齊詩鈔

卷首

評語

九

扶社軒棠

江都符葆森南樵詩話

余未識濬甫先生時卽通函札屢辱指示辛亥冬先生南還過
揚州僅留一刺而去至丙辰入都門始謁先生數日內必一往
見性情直樸議論開通一以利物爲念常殷憂時事見諸疏牘
有古名臣風詩文其彰著者也故其詩以杜陵之忠愛發道州
之胸次間藉山水之佳者抒寫其奇而尤篤於友朋倫紀或歌
或哭流露行間余詩多悲音想謂先生作文規之重可感也

題辭

長沙黃賢寶惺全

蓬樓乘風料破浪示我著作誇奇宕孝先腹筒殊便性情無
街相醜醜

盛朝詩教踰三唐承平雅頌資拜慶年少登壇能樹幟開寶才
入枉擅場我從零陵初見面目光炯若巖下電幾載相於必論
詩真北歸來加銀鍊河嶽英靈不易材天教藝苑錫蒿萊西清
東壁誰匹偶一代風騷眾體該蒼古或如老尊宿詔秀又教美
人服長江大河逞雄豪峭壁巖巖更面目作客湘南膺盛名行
旌到處多逢迎揮毫落紙雲煙出感懷詠古聲旬旬就中彌篤
友朋誼關心最是別離事生平膠漆死不渝青衫每淫停雲淚
古之詩人皆至情襟樓才大九縱橫奚童捧筆便成集咳唾足
使羣兒驚前後名流數七于廣陵于相家聲美王李徐吳堪頡

躬恥齋詩鈔

卷首

題辭

十

杜軒葉

顧今日嗣音屬及取鄙人結習耽詩歌偶逢風雅振錫多老景
願唐失故步枯腸搜索將奈何春光澹池揮手去錦心定獲江
山助他時相見詩滿囊驚臺鳳沼留題處

豫章郭儀霄羽可

一官冷於水萬卷撐飢腸清韻憂哀玉老幹凌青蒼遇窮詩愈
工蘊晦氣彌昌軒軒鳳閣安秦奏龍泉芒世好還磊哇大雅口
淪亡看君務正始蔚為吾道光

監利蔡以傳黃樓

十萬山光落佩刀故人驚見尚雄豪天邊奇句黃河下別後詩
情華岳高南度邯鄲催短夢三年塵海飯貂袍狂吟橫絕金焦
夜幾欲乘風釣六鰲

又存詞半闕

盛氣充盤鬱一瀉萬驚驚有時慷慨歌泣金鐵韻錚錚更向滄

躬恥齋詩鈔

桑德帶多少江山煙月思古發幽情脫帽仰天看風雨筆端生
仁和許乃善漢生

近來誰似筆縱橫年少輕裝賦北征遠道動生無限感清時猶
作不平鳴流連忠孝成歌泣陶治山川入性情更莫金盞頻
墨幾人著眼肯分明

漢陽葉名澧潤臣

周廬別鱗次皓月臨高樓故人在咫尺相望非阻脩秉燭誦新
詩危坐坐細繆寒松挺貞固瑤瑟揚清幽持以謝衆好耳目非
所求深冬稀雨雪陽烏紛南道萬響厲中夜始知歲華適卷中
七閩客匝月為千秋感此不成寐鬱鬱陽萬周李甫辛將
長洲八十四叟陶採昆鄉

一編正始有遺音二十年前夙望欽地重絲綸客僕直澤多蘭
芷慣行吟道心早出英華欽客氣全除醜讓深居近青田靈氣

躬恥齋詩鈔

卷首

題辭

十

杜軒葉

萃淵源試向郁離尋郁離子劉誠意著

壽陽祁寓藻淳甫

遠視山人今給諫君鄰舊雨往來慣左臺鵲薦屬老成東國河
流待安晏今年春遲似惜別楊柳初萋花未綻多病朝車久已
懸一算祖道無由辦客秋示我詩盈篋經史絲綸今貫串每思
點筆輒自愧寸筵撞鐘母乃慢君文壁壘出韓門詩亦從衡得
梯棧早從騷客拾香草晚抱牙琴想幽澗力追險絕歸平正枝
葉浮華悉鉏鋤立言尚恥躬不逮兀坐空齋見真幻詩草前發
集果然聲價重臺閣了獨坐雲瞻乳纓爾來疊疏論時事隱
朝廷其憂患江湖未斬跋浪鯨中澤忍聽哀鳴雁一言豈第荷
知遇百爾請共行顧盼方將讓功不遜過豈以迂闊防嘲諷
綸言詰誡彌威奮牙服巡行敢欺謾河間侍郎金隄使李夢詩
直道相知豈無間久悲杞梓民為魚縱有鉏犁泥沒許宣防自

古稱籌策精力於今困游宦此行莫云驥馬瘦忘機與閑冥鴻
驚似聞河南麥已種卻望淮北甲猶振君無遽懷歸湖曲我且
未歸石友綫會看天孤掃機槍重築漕渠耶段賊東去人迎白
鷺車南歸酒有嘉魚油乘風破浪老益壯衆語黃麻舊無餘獨
憐道門少車轍猶自呼僮接餘櫓所與勿詩成倘許附驥尾他
日不羞鵬笑鷗

躬恥齋詩鈔

卷首

題計

十二

大生軒

躬恥齋詩鈔卷之一上

會稽宗稷辰

龍辰名笛樓

學詩初草

庚申至己巳

自嘉慶丙辰入塾知辨四聲後習對數年九歲始學爲五
律明年學七言以後漸明各體雖少作不忍棄也存三十
二首

秋夜讀書

勤課寒窗學蕭疏意不勝夜深燈作伴秋老月爲朋味覺詩書
永心涵風露澈樹間聲若助欲賦愧何能

咏庭間桂

團圓五株桂手植祖庭芳碧月照清夜香雲流曲房賞應浮玉
醴攀更想霓裳安得乘風去瓊樓高處翔

辛酉

躬恥齋詩鈔

卷一上

學詩初草

一 扶杜軒

趨東巷山館日飲菊花之泉祝梓園師丈命及門賦之

清白源頭一脈潤泉香宛似菊潭開瑞龍尚有靈芽茁擷取新

烹活火來

壬戌

伯父春莊先生於南園獲孔雀爲欄楯畜之一時耆宿爭來觀

賞詩歌爛然命效爲古詩

翩翩孔雀今翔自城西集我南園兮繁之雅之巢以朱閣兮
以錦羅出對起舞兮文章陸離聲揚葩苑兮爭來品題章吾家
之瑞兮幸昌于詩伯父有命兮試及童倪最我振翼兮宛
飛云胡不奮兮仰瞻雲達

癸亥

石池臥雲軒玉甌花盛開題壁二絕

石池近巖山外王冢在
雲谿一池春臥雲人已古遺桓玉甌開提靈甌清酌

願香淨無滓碧村垂清芬竊效外孫辭芳心蘭上蕙
伯父蓮老人初課試帖賦得河鯉登龍門

欲溯天河上龍門自此登飛鱗知痛癢奮鬚勢峻增竟躍重淵
出非階尺木升九霄靈雨送萬壑怒雷騰雲裏之而見潮頭突
兀興乘陽三十六神化擬驅騰

祖母嘗口授古詩十九首唐人長歌百十篇每於舟中課餘即
令背誦小子學詩實基此也

舊聞諸父同聞教今爲童孫更誦詩長短歌行千首熟殷動劍
叫一庭隨定經口授牙將豁韋懷心傳訓最慈小子免憂牆面
立須知南雅有初基

甲子

初讀史記

牛背曾攜挂角書龍門客問東轡初禮先元水儉無匹傳始墨
躬恥齋詩鈔 卷一上 學詩初草 二 杜軒葉

胎清有餘客到休教目凡鳥學遲多恐祭窮魚敢希補瀆如歐
褚童子惟求腹不虛

乙丑

伯祖芥老人七十頌書呈句敬謝

老人昔覲旋小子在襁褓嗶呀初學語父手呼抱抱會時老人
冠加額自稱好忽忽十二載瞻望向瓊陝未侍杖履前莫聞詩
文藁乃蒙古稀年頒書及童眇新詩題便面喜氣忘將耄襟懷

宛坡翁鼓舞連斗老惟願老人歸復與風雅道山房舊壇坊歌
陰續新稿縱筆書萬紙學海示浩渺益增家公壽說奉諸孫實

桑榆正晚晴日望迴帆早

九曲山房偶成

句曲仙壺如九曲武夷古樵賸蕪夷回環龍尾雲連巷倒映螺
髻月有池卷首以四壁嵐光融澹蕩一牀花影亞參差齊中

躬恥齋詩鈔

丙寅
山房竹華蕉實感而記之以自警云
我祖辛勤時蕉竹焉曉雨聲無不足高歌斗室延清陰揮酒雲
煙一窗綠氣宜直節偏作花露結繁苞似成熟前人厚植歲月
深後人愛樹壘成林莫因過盛但娛賞重念百年培育心
侍大人讀書西豆蘊邨喜賦

童蒙學無所一暴旋復寒今來豆蘊邨隨父有餘歡共望表第
陳相礪非孤單我姑性明淑檢點館中餐煦嫗及猶子心視家
食寬飯廬如債臺果母那得安惟有業加勤不計來日難庶幾
荅親恩努力振羽翰表第名詞之後字兩節

景霞樓 書墨印在其下

躬恥齋詩鈔 卷一上 學詩初草 三 杜軒葉

八面樓閣望月寬碧空遙漾九霞丹一聲野鶴忽飛起吹動天
風十二闌

初應童試大人親率之志喜
夜雨試山屐攜來童子場趨隨從後進辛苦命先嘗小隊羣魚
貫徐行老鳳初初平纔開道皇初平十叱石望成羊

丁卯
笠舫王六丈與大人舟中聯吟以不知山遠近爲起句遂命子
姪皆隨賦焉草呈四首

不知山遠近雲氣重重重影隔幾鄰樹聲迷何寺鐘櫓迴帆石
展舟漾鏡波溶爲省幽林去翩然少長從

欸乃疑無淡潯環復有鄉不知山遠近但覺水蒼茫曲徑采蘭
杜長隄挑柁桑烏啼聽不盡何待奏笙簧

雨中長茶笏煙外望蓬萊禹穴龍蛇動秦峯虎豹哀不知山遠

近

九

近隨處景徘徊却趁米家舫無窮詩思來

佳日春秋好勝游湖海寬稻穗相接綠花葉每靠丹枝權喜新漲卷襟愁薄寒不知山遠近任作畫波濤

章文海丈授徒於舞橋施氏其齋閣外有巨石如雲氣素疊而起高一尋上刻紫霞二字是時往往從文海丈請業數經石傍輒摩挲良久乃去

舞橋假出藉人力物非自然奇未極近逢一石鄰舞橋起層雲若丹崖建標台嶽霞爲城此豈分從石梁削名以霞紫幾百年山中移來珠前巖讀書齋閣留偉觀應是方侯古屏塞講壇

新開宗伯家章氏明南主人舊屬扇吾宅得非星落同重江或亦飛來等安息又聞金庭曾有水齋齋朱門碧筍道孤植

斯石城南近東武靈從故相園林得執經在復屢摩挲最愛夕陽暉映色惜汝不得雲根比九山空教蟠鬱他山人莫識

躬恥齋詩鈔

卷一上

學詩初草

四 秋杜軒葉

戊辰

田東消夏雜咏

家在松巖下延涼翦翠毛一棚披綠綺七鬣動蕭騷日映茅簷遠風生竹屋高小休宜夏健未得息農勞松毛簷

欲解田頭渴須提老瓦瓶泉甘初湧白茶苦半浮青送結局分重停芸舌信馨瓊漿仙島味何異此清冷五瓶茶

稻菴疎竹笠端爲蔽驕陽薄采秋雲纖何愁暑熱張密編防影漏斜戴引風涼髮髻黃冠古悠然野老裝草笠

爲仿涼生蓮何如扇緝蒲風聲搖大柄月樣拂圓敷輕便從腰插粗豪應手須烏油黃柳外橫製稱田夫蒲扇

望山樓呈潘月裁師

爲仰高山特上樓芙蓉千瓣此中收入應洞敞宜清曉三面煙閣見素秋桃李共依堂北樹時大夫鳳麟遙接海東洲蒙求已

德登龍晚敢附青雲挹衆談

九日偕魯雲樵說小湖說香城曹秋查出常禧門尋紅葉至三山石堰而歸

戴山賦紅葉舊事思嚴君前踴豈能遺氣亦凌秋雲同學三數子招我乘蕭晨言尋霜林丹步出西南閣道上列楓相深淺看黃分偶見著微絢如發春華新引人漸以遠十里循湖濱放翁

故邱君秀靚三山紋石堰洞清漪好風吹樹根社祠拜前哲詩境開明神坐八幾忘歸酒然樂吾羣徘徊幾流覽樹色暉斜暉歸來唱于喁執手有餘欣

隨王秋樣丈游餘蘆話舊

蓮開火宅起惜蘆草長書巢講碧筠陸學香先生舊設講於此門下最盛丈與寶章丈皆高足學佛下梢憐放蕩談經勝地惜空虛上河舟近常停泊載酒人來欲隱居最愛壽棹樓畔望山光水色信多餘

躬恥齋詩鈔

卷一上

學詩初草

五 秋杜軒葉

己巳

正月館俞氏課童蒙書以自勵

山房苦塵囂始計教學牛一種幸可安乃近治平觀舊執賴任子薦適俞氏館主人領豪爽齋室亦美與學者三兩輩長幼列

簪紳愧非文中子爲師尚未冠得此可讀書功宜力研鑽方春清良時日月敢輕甄俞字通甫

適節三日主人邀謁南鎮幼時曾到廟中不若此日能領溪山之趣也

台稽高作鎮屹在越臺南古廟童時識名山勝日探秦松千歲經夏鼎一峯館賓至清遊樂登臨興正酣

大人春間登第報至

一星輝耀數已空忽聞金帖報春風借陳几榻座初掃閑寂門庭客始通竹梢幾竿背露澗山依半壁曉雲烘劍光果應寒樓

北頭使兒曹奮苦功龍山半壁天地子

劉金門學使古學賦書神律書山房舊額也十二節

令龍鳥聚精魂沐浴文章藪髮髮道德園海波浩浩天龍被

源源降福從修綆朝真列上垣神能通萬卷靈可乞千言雨粟

餐奇淫謨觴醉異馨幽明交肝靈風雨屬朝昏僅與常飲假應

堪細講論搜須柯古識述豈語臬喧桂殿蘭臺側由來位業尊
謁會稽洋宮

十七年前舊事傳步趨何敢更爭先東山影遠神初仰北宋基

深蹟屢遷門列仙茅稱鳳尾坊連美竹拂雲顛特看不竭源頭

水城關常通半月泉

躬恥齋詩鈔

卷一上學詩初草

六扶出軒案

躬恥齋詩鈔

同校

從宦草辛巳冬至

嚴君奉檄之官攜家俱往小子執經在道問業不遑偶餘

閒而一吟略抒懷於兩載從宦之始編什以名僅得六十

四首

初上江山船

桑弧志四方況已踰丁年從官往西南始乘江上船微風動激

客小波濤清漣跼蹐盪心神不覺搖搖然越鄉如甕居今見甕

外天入境由此開把捉宜自堅推之湖海涯敢使情隨遷

九姓

九姓此催劇可憐偏教陌路喚同年西京多少舟人子曾詗披

裘行袖邊

帆迴三折波龍出七里瀨宛轉畫眉聲送客青山外

紅葉斜陽畔鱸魚出釣船得來親色喜新味富春鮮

泊南溪隨沈春江師丈韓瑛登岸小步略見風景各庚

吾師舊游處指點激湍濱正氣會驚鬼文錦琴齊夜生一雄文

果軼倫遙看金洞雪薄酤玉壺春自有吟風樂笙歌遠俗塵王

躬恥齋詩鈔

卷一上從宦草

七扶出軒案

自瑞洪渡彭蠡追同伯祖芥老人渡湖舊韻

洪厓丹氣凝大冬瑤笙遙吹靈霄叢有瀟浩森澤匯東地形斜

出如張弓匡廬郭谷光昭融上真化人古所宮百怪蟠伏深淵

中霜蘆雪柳猶瓊瓏漲落不見狂瀾衝時平且息戈船鋒楚漢

吳晉懷戰功堪臺草長常停烽仙莫敢行棠棣康郎助臣已

罕逢新建偉伐誰比雄淮南王孫浮海從湖上但聞鼙鼓雙

峯鬱然雲幾重三餘千越吾鄉同百數十年無聞攻長天一碧

飛霞紅喜得破浪乘恬風神鴉欲集來暮空辰星下垂潛先龍

江山大好如方蓬堪放遠眸舒遊蹤氤瑛凌虛徑可通精炁時
復爲祥虹瑞雲迴瞻極目客門筵偶將經課授詩筒收帆前
渚依歸鴻汀洲晚渾方誤淩

西江舟中讀書

三冬文可補寸晷業加勤難得父師側常將詩禮同筵窗殊快
意巾笥正隨身風雨西江道渾忘染客塵

宜風鎮

袁江匯諸溪湖游益清淺水挽筒車多舟出難路險宜風古邨
鎮民氣殊簡儉欲上負重難小艇費艤轉行色滋勞草暮景迫
馬曉小石間玲瓏微流看數灘前途近萍川行見楚雲吟東書
耐澄思心占困之漸

初坐倒划小舟鬱而患痢抵長沙走城中覓舍館頗愈詩以曉
其不習也

躬恥齋詩鈔

卷一上 從宦草

八 秋世軒采

櫓可順搖樂逆施船用倒划製特奇曲躬一俯直一仰猛進迴
波已尋丈低艫坐臥難伸腰飽食於此艫不消數朝騰踴達成
病疑闔水土心爲焦一到長沙亟登岸走偏湘城氣疎散陸
頭刻疾已忘應族祖安樂適憫人生萬境難於初居寬大登會
何殊從今久作湘中客慣習扁舟泛大湖

柑園寓齋書壁

洞庭霜後一洲紅不意甘園樹色空記取清芬長遠俗心香如
在玉壺中

專課自警

久苦無師學專功始得師輩鴻不到野馬頻收羣最感陰須
惜勤修業恐遲如愚竟終日翻少問安時

守歲

此夕才停課虛齋待燕閒從頭書細檢推手句重刪溫飽非初

志飢寒憶往年晴窗燕香燭愛日視蒼天



躬恥齋詩鈔

卷一上 從宦草

九 秋世軒采

庚午

題毛秋伯丈洞庭煙水送春騷圖揚州人

西河授詩學百代宗風騷助肅著南邵廢部稱東曹惟我秋伯
子滌吏今人豪鶯聲出幽谷鳳翹凌丹霄捧檄辭高堂江南正
花朝東風一颺順洞庭冰雪消扁舟不寂莫伯仲借道遙吟囊
飽春色色畫幅按春清先生一至楚意氣驚羣豪通語屬後輩冉
拜瞻丰標持圖出相示煙水清滔滔桃花乍發萼杜若初含苞
青山響雙屐綠絲波添半篙倘瞰夢澤深遙指天岳高大觀八百
里咫尺羅輕綃昔爲燕公助今客旌父教佳篇盈林立玉府堆
雲翹滄浪孺子歌敢列鈞天韶

伯父至自粵東復得依侍

初命爲六菟垂髫記一星家駒千里望初完篇家伯父批旅
雁十年總愛詩勤猶子荒嬉健過丁湘門侍函席重對舊燈青

送王東之丈歸越

羅浮舊雨聚天涯
湘月潮煙泛客槎
喬岳蕭條遲暮舍
高朋清瑟劇思家
漫其蘭澤三春柳
悵望章臺一縣花
江上停雲雷不得
離筵薄醉夕陽斜

蝶衣姊妹感疫疾不起哭之

同氣君最賢
一生在憂患
孩抱歸外家
重闔所字家
慈險調習
聞非徒掌珠
玩稟性固仁
厚陶淑亦已慣
自幼知織紵
女功勵
肯且兩家祖
庭愛謂可稱
婉嬈曾記出
痘遲疾遠險
難後來
元本虧無言
及愁瘡有德
閑閑稀壽然
服親串

祖母既卒
哭我家初析
炊外家迫官
適貽累至孤
嫠苦迎外大
母巢破攜雛
歸斗室奉慈
顏晨昏仍依
隨佐母盡色
養性天薦
孝思其時方
饑貧日給難
支持無錢雇
傭煩百事竭
力爲薛衣
浣械盜汲水
趨河渭不得
米數升惟恐
高堂飢更憐
兩弱妹含

躬恥齋詩鈔

卷一上 從宦草

十 林杜軒棗

哺須及時夜
深十指勤易
粟敢告疲憊
余不能耕不
如市哺兄
坐食豈自安
俯仰長歎歎

客春父在都
貧境已到極
罄室長物無
日或不再食
兄初獲第
餐內頓增歡
息見妹常忍
飢羅掘供旦
夕忽聞春闈
宣寒門報
金帖郵舍皆
大歡一庭解
憂色未幾余
入庠吾妹更
忻憐冬日
泛湘舟舉家
在親側積年
禱祈願頓慰
真快懷始寬
操作勞閨
房少安息雖
見旅食艱大
異戶糗絕以
君困乏身孝
友力幾竭
食報應自今
何致災眚及
忽聞痾痛生
斯人降斯疾
命也夫如
何天意豈可
測

空館久癡閉
老魁潛窺尋
量君積瘵軀
易使寒熱侵
延光啟北
窗無嫌露愁
森衣清中寒
邪鬱悶幽房
深君久自刻
斷不使舒
曾襟親況尙
拮据親色猶
呻吟遂致根
本傷變爲痼
疾沈痾醫
我師丈診服
藥不靈漸看
入膏肓奄奄
逾三陰楚人
雖善義豈

躬恥齋詩鈔

爲二豎禁懷然戀高年更感父母心
顧兄復顧妹嗚呼徒淚零
欲絕不忍絕既絕未遑瞑哭吁天不憐
羈魂從髮結負此大賢
孝缺陷雷古今阿兄念前功恨莫填
淪湮惟有示子孫歲時常
享飲長言無盡哀慘惻期來聖
移君洪家井

廢宅寒廬苦未安
淚痕未斷溼闌干
獲災那得三摩地
徒險須同五里灘
相和入門殊爽塏
養宜近井少波瀾
衰年扶病後居
後從此康強舉室
歡有疾

晨夕追隨未一年
關心骨肉悶顛連
靜幾亦爲思親動
歸志還因觸緒
堅才向鳳樓傳
結構忽辭馬帳
繫羅經東行不
得從僑屬子沈
子歸何遽焉

躬恥齋詩鈔

卷一上 從宦草

十 林杜軒棗

西冷有嘉植
今爲湖上筠
才人方茂齒
君子自長身
室得席賢友
書畫有羣稱
比玉倫兼葭
幸相倚詞藻
東鄧初從福
山王十五丈
餘英游學其
橫空盤硬之
作心境稍開
爲詩記其盛
悅焉

大波湧起東海東
靈氣鬱爲之景鍾
七傳文學後乃大
偉人挺出王司
長司農子孫富
才俊我丈尤號
文中雄不屑
輟婚就時尙但
見龍虎盤清空
探源有本吐浩
漭一語足驚凡
耳聲機批臭腐
都瑤璣要與日
月齊聯融小子
舉步正假差提
振直到天齊肇
始知放筆寫真
意恍脫束縛誰
樊籠更示古經
論求是豈徒自
敎富臨衝從今
得路向雲表敢
忘陶化由春風
書求自西

外祖母始太孺人
痛妹蝶衣老病日
篤卒於廬爲辭
記哀庶谷師宗
校伏違審心德
象教曾聽天南
斗北悲麟鳳
於於義
於義定
樹限原荒少鵲
鶴弱女獨依親
髮白外孫同仰
祖燈青

不圖湘館承歡日忽墜瑤霄寶發星

乳枝手撫十餘年忍見飄零楚澤邊老淚欲枯生意盡慈雲頻
黯愛根纏蝶魂證覺依香海龍女歸真侍梵天護草多憂無術

解勉將法果釋塵緣

八月十七日省大人貢院對讀所得觀舉場風景

問安趨侍校文場天外初聞桂苑香未得西泠看月滿不勝東
望憶江鄉

萬卷森然護刻星小胥吟誦劇堪聽龍門奎閣風雲際又見

天章拜廣庭時方殿門過 海陽過

監臨草奏倚嚴君俄頃如成眉鼻文筆下有光騰節帷嘉言當

得

九霄聞

外嚴事嚴侍親歸餘痛難消悵落暉幸得金萱扶病起略舒眉

躬恥齋詩鈔

卷一上 從宦草

三 林杜軒槩

微話庭幃

謁蔡忠烈公墓於醴陵坡志慨公名道憲

執紼南郭外曩曩多荒塋夙聞醴陵坡盛傳忠烈名曲徑往尋

之巨冢如堅城讀碑拜公像舉筆知平生想當明季時西寇極

縱橫長沙一司李獨柱支危傾所學有本源浩氣吞長鯨罵賊

力戰亡賊膽為震驚從者節無二相隨天際行眾義陪孤忠同

被千秋榮爵然松栢寒下有沙泉鳴松泉不枯竭長此依英靈

低徊起哀敬覺我心神清

貽釋印心

女聞幽房遶息陰風驚雨判甚關心外王母及姨姊石泉清漱

禪機活潑墨淋漓智果深印心工居士定容參一棒法身當已

覺三音頗忌花木清森地月夜談元證素襟

送伯父之官粵東

夙負長纓志姑從短馭來日邊遙奉檄嶺外更探梅道里重雲
隔音書萬里迴何時復瞻侍悵舉絲繡玉

躬恥齋詩鈔

卷一上 從宦草

三 林杜軒槩

辛未

大風泊君山船上淺激得入山觀山僧焙茗出供雨前新芽僧

言此謂有綠山也快然有作

春飄葉葉凌湖波大風陡起行偏頗長年捩柁盼滙溪山眉綠

傍湘君城泊舟小步入巖壑林中古寺藏煙蘿此山茗薈甲

楚雨前芽滋翠枝柯翠僧摘揀忙不輟微火欲焙薰蕭錫欣然

供客點新茶清氣迤出雲泉窩幾與龍井比溫潤如飲鍾乳殊

沖和茶餘風緊天漸晚歸路漸熱盤青螺夜來掀蕩久乃靜風

吹水落停平涉有緣一到信非偶逢臆快意堪驗哦老親聞之

動喜色詩境青未經涪坡章華百里近相望安得邂逅重來歌

沱江書院題壁初至華容

東別為沱處江流九派來汪洋涵文藪清淑挺英村夢澤綠無

際草堂春正開遺風好尋挹不問楚王臺東山草堂對也

宣公讀書處

此

此

此

此

此

此

此

此